



Suliffeerunnermi ikiorsiissutinik ullut 14-kkaarlugit tunniunneqartartunik pisartagaqartut, ulluni suliffiusuni tulleriinni marlunni pisartakkaminnik ilanngaanneqartarunnaarnissaat siunertaralugu, Naalakkersuisut Ukiakkut Ataatsimiinnermi 2017-imi, Suliffeerunnermi ikiorsiissutit pillugit inatsisartut inatsisaannut nr. 2, 15. maj 2014-imeersummut, allanguutissamik siunnersuuteqaqquneqarnissaannik aalajangiiffigisassatut siunnersuut.

(Inatsisartunut ilaasortaq Agathe Fontain, Inuit Ataqtigiit)
(Siullermeenera)

Demokraatini Inuit Ataqtigiit isumaqatigaagut oqarmata suliffissaaleqisut suliffeqaleqqullugit kaammattorneqassasut. Kisianni malunnarpoq periusissat assortuussutigigut.

Siunnersuut manna atorlugu Inuit Ataqtigiit qularnaarniarpaat pisuni assigiinngitsuni, soorlu paarlatsitut sulisimangaanni sulisitsisumit akissarsisoqarsinnaassasoq suliffeerunnermi ikiorsiissutinik ilanngaanneqarani. Demokraatit isaannik isigalugu kukkulluinnartumik aallariartoqassaaq. Uangutsinni imaappoq, akissarsisimangaanni taava peqataanik suliffeerunnermi ikiorsiissutinik pisartagaqartoqarsinnaanngilaq.

Isumaqarpugut allanik pitsaanagerusunillu periarfissaqartoq suliffissaaleqisut sulileqqullugit kaammattorniartugit. Assersuutigalugu sulinermut ilanngaat atorneqalersinnaavoq imaluunniit akissarsianut akileraarut appartinneqarsinnaavoq. Aamma pisortat ikiorsiissutaat naleqqussarneqarsinnaapput sulilernissaq pilerinarnerulersillugu.

Demokraatit isaannik isigalugu qularutissaanngilaq pisariaqarluinnartoq suliffeqarnissaq pisortat ikiorsiissutaannik nappateqarnermut naleqqiullugu.

Inuit Ataqtigiit siunnersuutaat manna aqcutissaanngilaq eqqortoq.

Taamaattumik inassutigaarput siunnersuut itigartinneqassasoq.